

MOYENS D'INTERVENTION

*que mettent & baillent pardeuant vous,
Monsieur le Recteur, & Messieurs les
Doyens des Facultez & Procureurs des
Nations de l'Vniuersité de Paris,*


MESSIRE ANDRE DE SAVZEA
Euesque de Bethleem, en qualité de Doyen
de la Tribu de Bourges; & autres particuliers de
ladite Tribu, interuenans, sous-signez.

*Contre Maistre Pierre Alamargot, soy disant Que-
steur de la Nation de France.*



N ensuiuant l'Arrest de la Cour de Parle-
mēt du 19. de Ianuier 1644. par lequel les par-
ties ont esté renuoyées pardeuant vous,
pour leur estre diffinitiuement fait droict.

A ces fins, les Interuenans disent som-
mairement, que de temps immemorial les
cinq Tribus qui composent la Nation de France, ont chacune
en leur tour esleu le Questeur de leur Nation, l'eslection du-
quel a tousiours esté confirmée sans aucun contredit par ladi-
te nation : Et qu'à leur Tribu de Bourges appartenant cette
année le droict d'eslire, ils auroient au iour, lieu & en la ma-
niere accoustumée procédé à ladite eslection, & par le plus
grand nombre & les plus considerez suffrages des Elisan
Maistre Michel du Chesne auroit esté canoniquement esleu
Questeur de ladite Nation, duquel ladite Tribu ayant requi-
la confirmation en la forme ordinaire, ladite nation au lieu
d'y satisfaire, Sur les remonstrances dudit Alamargot, favori-
sées & appuyées du Procureur de ladite Nation, & de la brigade
de plusieurs ieunes Bacheliers, ~~contres~~ dudit Alamargot, le
antiens s'estans desia retirez, auroit au preiudice de ladite
Tribu, nullo iuris seruato ~~ordinis~~ déclaré ledit Alamargo



2

Questeur, iceluy confirmé, & sans auoir égard à l'opposition desdits interuenans, l'auroit estably en la fonction de ladite Charge, sous pretexte d'une pretendue conclusion faite, dit-on, par ladite Natio au mois de Decembre de l'année 1642. portant ces mots, *conclusum fuit, ut tandem aliquando statueretur modus aliquis quò petitiones eiusdem magistratus, vel muneris seu diuersi ab eodem repetitæ frequenter decreto nationis arcerentur.*

Or lesdits interuenans soustiennent, que s'il y a eu aucune conclusion faite par ladite Nation (ce qu'ils ignorent pour ny auoir soubscrit elle ne peut prejudicier au droit qu'ils ont d'eslire en leur tour le Questeur de ladite nation, & qu'en tout cas elle ne pourroit auoir lieu qu'és Tribus qui l'ont approuuée & receuë par l'argument du chap. *cum omnes*, où la Glose dit, *quod si aliquid est commune pluribus non ut collegiatis, sed ut singulis quod sit à maiori parte illorū nihil valet nisi omnes consentiant.* Lesdits interuenans sont dans ces termes, puisque à chacune Tribu *tanquam singulis, & non ad nationem collectiuè ius eligendi quæstorem pertinet.* La Glos. sur le chap. *cum in cunctis de ijs quæ sunt à maj. par. cap.* y estant pareillement conforme, où il est dit, *quod capitulum potest facere constitutionem dum tamen intersint omnes quos constitutio tangit alias præsentibus in præiudicium absentium nihil constituere possunt*, partant cette conclusion qui fut faite *malo zelo nullaquæ dictante ratione*, ainsi que parle la Glose sur le premier chap. allegué, pour exclure vn particulier de ladite charge, & fauoriser la brigade d'un Censeur, qui lors mandia l'approbation de quelques Doyens de ladite nation *extra ordinem*, ne peut pas reformer les status receus & confirmez *per vniuersam nationem*, estant certain que *maior pars nationis non potuit facere cōstitutionem præceptiuam, seu inhibitiuam, sed solum permissiuam, id est non obligatoriam nisi quando necessitas & utilitas id postulauerint*, suiuant l'opinion des Docteurs rapportée par Lud. Rom. Sing. 444.

Or peut-on dire qu'il y ait eu nécessité de faire cette conclusion pour cette nation particuliere? certes il ne peut estre vray semblable, puis qu'aucunes des autres nations ne l'observent & ne l'ont estimé nécessaire.

Dira-on qu'elle a apporté de l'utilité? ce seroit, Messieurs, argumenter contre le zele & l'affectio que vous auez de pro-

curer le bien de l'Vniuersité, si vous obmettiez d'introduire en icelle, & par toutes les nations cette pretenduë conclusion n'estât, ny necessaire, ny vtile, laquelle ne peut, & ne doit subsister; Etc'est ce qui a meu la Cour à vous renuoyer le differënd des parties, ayant preiugé que s'il y auoit quelque chose de iuste & d'utile en icelle elle ne manqueroit d'estre autorisée de vostre approbation, de laquelle estant destituée l'on doit dire avec verité, que *non decet membra, à capite discedere.*

Partant lesdits interuenans soustiennent qu'ils sont & doiuent demeurer dans les termes du statut, *Ne quis eundem magistratum intra biennium capiat*: car on ne peut pas dire que ledit Du-chesne soit *intra biennium*, puis qu'il y a dix ans qu'il estoit Questeur. Et quand mesme sa partie voudroit dire que ce temps se doit rapporter à celuy que ladite Tribu de Bourges a eu d'esslire, & non pas au laps de dix ans. Neaumoins dans cette rigoureuse interpretation il seroit veritable que ledit Du-chesne seroit *extra biennium*, puisque depvis luy il y a eu vn Questeur esleu par leur Tribu.

Mais si bien lesdits interuenans croient auoir suffisamment monstré, que ladite pretenduë conclusion n'a peu prejudicier à leur droit, & consequemment que l'eslection faite de la personne dudit Du-chesne, cōme canonique, doit subsister; Neaumoins ils peuuent encore faire connoistre que quand mesme elle seroit veritable (que non) l'eslection toutefois dudit Alamargot seroit nulle de toutes nullitez, comme faite contre les formes & au prejudice de ladite Tribu, puis que la Nation presuppose la validité de ladite cōclusion, auroit bien peu prononcer la nullité de l'eslection dudit Du-chesne, & ordonner qu'il seroit procedé à vne nouuelle. Mais non pas esslire ledit Alamargot, estant certain que si les Elisans ont voulu donner leurs suffrages audit sieur Du-chesne ç'a esté en consideration des seruices notables qu'il a rendus depuis quarante ans, & rend actuellement à l'Vniuersité, & que s'ils eussent estimé que ladite conclusion l'eust peu rendre inhabile à l'eslection faite de sa personne ils eussent fait consideration sur les seruices d'vn autre tribule qui eust meritè cette charge, à laquelle ledit Alamargot a mauuaise grace de pretendre si tost, parce que la Loy veut que *gradatim honores deferantur ff. de m. & hon.* n'estant tolerable que celuy qui depuis vn an seulement est re-

eu en ladite Nation, & qui vix vniuersitatis factus est municipis
 riuelegio municipaligaudere possit, à l'exclusion dudit du Chesne
 & de plusieurs autres tribules qualifiez. Partant, Messieurs,
 vous voyez que la contestation des parties se doit terminer par
 l'examen de ladite conclusion, laquelle ne peut auoir l'effect
 d'un Statut de la Nation *quia Natio Vniuersa, illam non confir-*
mauit, comme il est requis, ce qui est si veritable que le Procureur
 de la Nation, & plusieurs Doyens d'icelle ny ont pas souscrit,
 & comme il a esté remarqué, n'a esté fait qu'à la poursuite
 du Censeur, qui estoit pour lors, & pour exclure Maistre Gueret
 de la Charge de Questeur.

Et pour monstrier qu'une brigade extraordinaire a porté ledit
 Alamargot à cette Charge, & n'en a exclus ledit du Chesne
 que par violence, & pour faire iniure à ladite Tribu, c'est que
 uiuant les termes de ladite conclusion, ledit du Chesne n'estoit
 pas ineligible ces mots *petitiones eiusdem muneris ab eodem repe-*
ita frequenter, ne pouuant pas se verifier en sa personne, n'ayant
 esté depuis 40. ans qu'une seule fois Questeur, le mot *repetita*
lenotant multiplicité la diction *frequenter etiam in odiosis, id est, in*
lelectis post duos actus inducitur. Ainsi que le remarque Guymier
 en sa glos. sur la prag. §. *despect. in Eccl. non fac. in verb. frequenta-*
im, se seruant de l'argument de la Loy C. *quicunque deser. fug.*
 ce que lesdits interuenans mettent en auant, non à l'effect d'ap-
 prouuer ladite pretendue conclusion, mais pour iustifier le pre-
 iudice qu'ils reçoient en la personne dudit du Chesne.

Que si ledit Alamargot vouloit tirer auantage d'une autre
 conclusion du 8. Ianvier de l'année derniere, & dire qu'elle a
 esté faite en execution de la premiere, ou pretendre qu'elle a
 esté signée du sieur Doyen de ladite Tribu de Bourges, elle doit
 estre consequemment executée par ladite Tribu, lesdits inter-
 uenans respondant, qu'ils se contentent de suiure l'intention de
 ladite derniere conclusion, mesme de se departir de leur inten-
 tion, si les causes d'exclusion alleguées contre Maistre L. Gue-
 ret, qui fut cause de ladite conclusion, se peuuent verifier en la
 personne dudit du Chesne; & si ledit Alamargot se trouue aussi
 recommandable pour ses seruices, comme lors l'estoit Maistre
 Mat. de Beaumont, Competiteur dudit Gueret. Ce qui se peut
 iuger par la lecture du resultat des Tribus qui ont assisté à ladite
 derniere conclusion, Maistre de la Lane pour la Tribu

5

de Paris a dit *non videri sua Tribui ut vnus & idem in perpetuo
esset Magistratu*. Maistre C. Cagnyé pour celle de Sens a dit
*interfuisse conclusioni, & eam fuisse mentem Nationis & sua Tribus,
ne quis in Magistratibus, vel iisdem, vel diuersis continetur*. Et
ledit Messire de Sauzea pour la Tribu de Bourges, *dixit, se idem
sentire cum Tribu Parisiensi & Senonensi*. Il est aisé de cognoistre
que cette conclusion fut faite pour exclure ledit Gueret de la di-
te charge de Questeur, d'autant qu'il quittoit celle de Censeur,
& auoit esté le dernier & immediat Questeur élu au tour de sa
Tribu, & pretendoit *nullo interposito* d'estre continué en la mes-
me charge à l'exclusion dudit de Beaumont, considerable pour
les seruices qu'il auoit rendus & rendoit à l'Vniuersité. Pourra-
on dire que ledit du Chesne, qui n'a eu depuis long-temps au-
cune charge de sa Nation, soit dans les termes dudit Gueret ?
pourra-on luy opposer les seruices dudit Alamargot, qui deuroit
auparauant que d'aspirer aux charges, leuer par ses seruices la
iuste defiance que l'on peut conceuoir de son procedé, *quia ad-
huc sapit Iesuitas* ? Ce qu'il vous plaira, Messieurs, de remar-
quer, & que ce seroit faire iniustice audit du Chesne, & à plu-
sieurs autres particuliers de ladite Tribu de Bourges, de main-
tenir à leur prejudice ledit Alamargot. Et quant à ce que ledit
Alamargot pourroit dire que ledit Gueret fut debouté de la
permission qu'il demandoit pour la Tribu de proceder à nou-
uelle election, & en tirer cette consequence que lesdits interue-
nans ne sont receuables en semblable demande, il y auroit à cet-
te obiection double replique, qui ne reçoient aucun con-
tredit. La premiere que ledit Gueret agissoit pour son interest
particulier, & partant n'estoit partie capable de faire ceste de-
mande. Et l'autre que sa Tribu, qui y eust esté receuable, ne se
plaignoit pas, ains approuuant l'exclusion dudit Gueret con-
sensoit tacitement à l'election dudit de Beaumont, lequel con-
sentement equipolloit vne nouvelle election. Mais maintenant
c'est à la Tribu de Bourges qui fait la demande & soustient que
ledit du Chesne doit estre maintenu, ou en tout cas qu'elle doit
proceder à nouvelle election.


Par ces moyens, & autres qu'il vous plaira Messieurs, sup-
pléer par vostre equité & prudence, concluent lesdits interue-
nans à ce qu'ayans égard à leur interuention, & faisans droit
sur leur opposition ; Il vous plaise, sans vous arrester à ladite

conclusion, déclarer que ladite Nation n'a pû prejudicier au droit qu'ils ont d'essire le Questeur en leur tour, ce faisant maintenir ledit du Chesne par eux esleu en ladite Charge, & faire deffences audit Alamargot de s'immiscer en la fonction d'icelle, sous telles peines qu'il vous plaira arbitrer.

ANDRE' DE SAVZA, Euesque de Bethleem.

R. DE ROUX, G. DABES, D. BARTHE'S,

P. LEBLANC.



Les auteurs de cet ouvrage ont eu pour but de
donner aux élèves de l'école normale de
Paris, et à ceux des autres écoles normales,
une notion exacte de l'histoire naturelle
des animaux, et de leur organisation.

ANCIEN DE L'AYRÉE, École normale de Paris.

A. DE ROUX, G. DABIS, D. BARTHES.

P. LE BLANC.